


出曜經

才十五

四百廿六
殿五

50863
9



出曜經卷第十五

姚秦三藏

竺佛念

譯

殿

廣演品第二十五

雖誦千章不義何益寧解一句聞可得道
雖誦千章不義何益者夫人在世多誦廣學
不曉義理亦復不了味義句義猶如有人多
負草木至百千擔正可勞苦無益時用是故
說曰雖誦千章不義何益寧解一句聞可得
道也寧解一句聞可得道者如昔有士多貯
財貨饒諸穀食意欲遠遊便以家穀糶之易
寶積珍無量後復以珍寶多易好銀意復嫌
多便以好銀轉博紫磨金意復嫌多時以好

金轉無價如意摩尼寶所願畢果終不差違
此亦如是雖多學問不解句義解一義者所
獲必剋是故說曰寧解一句聞可得道也
雖誦千章法義具足聞一法句可從滅意
雖誦千章法義具足者人多修學義味成就
然復不能思惟義趣便自墜落不至究竟是
故說曰雖誦千章法義具足也聞一法句可
從滅意者世多有人博學多聞能思一句至
百千義義義相次不失其緒以漸得至無爲
大道是故說曰聞一法句可從滅意也
雖復壽百年毀戒意不定不如一日中
供養持戒人

雖復壽百年毀戒意不定者夫犯戒之人不
護三事坐禪誦經佐助如斯之類不可親近
雖久在世積惡無重死入地獄受無數苦火
車爐炭刀山劒樹畜生餓鬼亦復如是是故
說曰雖復壽百年毀戒意不定也不如一日
中供養持戒人者持戒之人修行定意一日
功德無數無量不可以譬喻爲比又處於世
積德無量若生於天自然受福是故說曰不
如一日中供養持戒人

雖壽百年無慧不定不如一日點慧有定
雖壽百年無慧不定者世多有人不知慚愧
與六畜不別猶如駱駝騾驢象馬猪犬之屬

無有尊卑高下人之無智其譬亦尔愚闇纏
裹莫知其明是故說曰雖壽百年無慧不定
也不如一日點慧有定者點慧之人深入法
典從一句義至百千義思惟反覆不以爲難
是故說曰不如一日點慧有定也

雖復壽百年

懈怠不精進

不如一日中

精進不怯弱

雖復壽百年懈怠不精進者如世有人意恒
懈怠所願不成既自墮落復使他人沒在生
死自陷溺者失五分法身不至無爲大道之
處自迷於道轉教他人沒在生死若受檀越
飯食床卧具病瘦醫藥不能消化從生至死

墮于地獄餓鬼畜生雖得為人邊地佛後世
智辯聰八難之處所以然者皆由前身不積
德也是故說曰雖復壽千年懈怠不精進也
不如一日中精進不怯弱者或有世人勇猛
精進解世非常人身難得佛世難遇生值中
國亦復難遭諸根完具亦復難得於賢聖法
中求作沙門亦不可得聞真法言復不可得
有智之人能解此者當念精進求於道果得
至泥洹亦復不難也已以辦具便能成就無
漏法身是故說曰不如一日中精進不怯弱也
雖復壽百歲 不知生滅事 不如一日中
曉了生滅事

雖復壽百歲不知生滅事。都人在世間無明
自纏不能得解。計百年之中積罪無量。亦復
不知生者滅者。雖得出家爲道。在如來法中
不了生滅。恒在凡夫之地。不至無爲也。斯非
比丘沙門之業。遠如來。截不近佛。篋是故說
曰。雖復壽百歲不知生滅事也。不如生一日
曉了生滅事者。人之在世。觀達諸法。一一虛
無。生者不知所以生。滅者不知所以滅。一一
別之。能知根本。臨死之日。亦不畏懼。無所怖
難所生之處。神識不錯。遭賢遇聖。聞法得度。
是故說曰。不如生一日曉了生滅事也。
取要言之。觀痛所從生。夫又處世不知痛滅。

所興雖爲比丘不達沙門之行是故說曰觀
痛所從生也當觀有漏盡人之習行不達有
漏便當留滯三界五趣流轉生死無有出期
智者習行觀此有漏智所從生知所從滅生
不知所已生滅不知所已滅漸漸得至無漏
境界復當觀察不動行跡若復有人不能觀
察不動行跡者便自墮落墜乎生死雖處沙
門非沙門行雖處婆羅門非婆羅門行由四
事因緣雖深奧法者若復學人觀察了知不
動行跡意不傾動亦不移易漸漸得至登無
爲岸復當觀察不死行跡如人在世不知死
生死爲神從風去火次竟靈散矣身體挺直

無所復中然此習道之人荷服法衣剃除鬚
髮著三法衣不能觀察死之爲死生之爲生
亦復不能修清淨梵行所謂不死行跡者滅
盡泥洹是以得入中無爲之處不生不老不
病不死澹然快樂是故說曰當觀不死行復
當觀察清淨行跡道足清淨非穢濁所學道
能去垢非習垢所學次當觀察天形象法不
可覩見習上人跡於一切諸法最上最尊無
能及者所謂滅盡泥洹是也行人觀察甘露
行跡無飢渴想無煩熱想其不覩者永隄生
死不達本無獲甘露者福業具足以己施彼
無所悵惜也

雖復壽百歲 山林祭祀火 不如須臾間
執行自脩慕

雖復壽百歲山林祭祀火者昔有梵志勞形
苦體在於曠野深山之中祭祀火神隨時瞻
拜不違其火選擇淨薪採取好葩燒種種香
以用供養望得恩福時彼梵志退自念言我
在此山習學竒術念事此火以經百年今當
自試知火恩福若識恩養證驗當見設不介
者復祭祀爲時彼梵志意不遠慮即以兩手
前捧熾火尋燒手臂疼痛難言梵志自念吾
祭祀火經介許年唐勞其功損而無益將是
我身招此患苦介時彼山有學道比丘相去

不遠知而問曰梵志當知火者體熱不別恩
養尊卑高下卿欲知者吾有聖師三界獨尊
行時躡虛無所罣礙坐則揚光照徹十方寧
可與卿往彼親覲備得聞其深奧之法從此
岸得至彼岸梵志聞已心開意解便與道人
往至佛所頭面禮足在一面立介時世尊觀
彼梵志應得度脫在大衆中而說斯偈
雖復壽百歲 山林祭祀火 不如須臾間
執行自修慕

介時梵志豁然心解諸塵垢盡得法眼淨佛
告梵志卿前在山百年事火祭祀諸神唐勞
其功不至究竟汝今乃知真道之處不如須

史間執行自脩慕世人執愚至死不剋百年
事火不自覺悟抱愚投冥不能自改若能自
覺知之非真恒當思惟知病所興爲所從來
爲所從去悉了非真實法若復受他衣被飯
食床卧具病瘦醫藥便能消化不令有失承
事供養名華擣香雜香繒綵幢幡如是之福
不可稱計百歲事火不如須臾彈指之頃一
行慈心其福最尊爲無有上難稱難量不可
以譬喻爲比猶如芥子仰比須弥牛跡之水
與海掬量爪上末塵自稱勝地螢火之虫與
日競明慈心之德其事如此況復百年修德
具足乎乘此之福經百千劫未曾墜墮在凡

夫地衆人仰。望莫不敬奉。皆由前世積行所致。是故說曰。不如須臾一行慈心也。

從月至其月。愚者用搏食。彼不信於佛。

十六不獲一。

從月至其月。愚者用搏食者。或有生類貪著飯食。以養其形。不慮後世殃禍之灾。四大之體。其性不同。神處其中。識別是非。智者識真。愚者倒見。不知今世後世善惡之行。展轉三塗。八難無有出期。是故說曰。從月至其月。愚者用搏食也。彼不信於佛。十六不獲一者。若有衆生。一日半日。一時半時。彈指之頃。篤信於佛。意不移易。其福難量。不可稱計。不可以。

譬喻爲比福至冥報無形無像忽然自至功祚
無窮是故說曰彼不信於佛十六不獲一也
取要言之彼不信於法十六不獲一億千萬
劫時聞法聲所謂法者滅盡泥洹是也如契
經所說告諸比丘今當與汝說三第一之尊
一者佛爲第一之尊二者法爲第一之尊三
者僧爲第一之尊彼云何佛爲第一之尊諸
有衆生之類無足有足一足二足四足至衆
多足有色無色有想無想乃至非想非無想
如來於中爲尊爲最爲無有上是以此丘其
有衆生篤信佛者爲信第一之尊以信第一
之尊便受第一之福以受第一之福便生人

天第一豪尊是謂名曰佛爲第一之尊彼云
何法爲第一之尊所謂法者有爲法無爲法
滅盡無欲無生滅法泥洹法者爲尊爲最爲
無有上其敬法者爲敬第一之尊以敬第一
之尊便獲第一之福以獲第一之福便生天
人第一豪尊是謂名曰法爲第一之尊彼云
何僧爲第一之尊諸有大衆大聚大會翼從
之徒如來聖衆爲尊爲最爲無有上是以比
丘其有衆生篤信僧者第一之尊以信第一
之尊便受第一之福以長第一之福便生天
人第一豪尊是謂名曰僧爲第一之尊不以
慈心者十六不獲一衆生之類晝夜含毒瞋

恚所纏共相茹食由懷忿怒向乎二親豈當
有慈加被衆生乎此事不然也是故說曰不
以慈心者十六不獲一也不愍衆生者十六
不獲一由如境界方域其中衆生名号姓字
不可稱計若有入慈定之士於中教化周窮
濟乏不擇好醜亦不興想斯可施與斯不可
與平等無二一而不異乃謂真施是故說曰
不以慈心者十六不獲一也或有國土稱其
衆生名曰蠕動之類於中勇猛不辭勤勞適
彼國界供給所須不令闕減是謂施心蠕動
之類不以神祇故十六不獲一不以正法故
衆生自墜墮外道異學尼捷子等自稱爲尊

以鐵鍬腹跨行世間自相謂曰此諸釋種沙
門道士世之狂夫露頭左衽自稱爲尊我等
觀察正是不祥之應世人狂惑何爲尊事若
有衆生施此人者後得穢惡不淨之報夢想
見之寤則遇惡況當行道與共相見是故世
尊告諸比丘能於正法信心不斷遭遇百千
勤苦衆難心不變易一意信向不習倒見亦
乃名曰如來正法其不信者於十六分未獲
其一其有信心向正法者其福無量不可稱
計百倍千倍万倍巨億万倍不可以譬喻爲
比何以名曰十六分不獲一也所以論十六
者謂十六者謂十六大國也此閻浮境仁義

所居無有出此十六大國博古攬今敷演深
奧隨順決斷永除狐疑使無猶豫十六國名
其号一為卷伽二者默偈陁萍沙王三者迦
詩四者拘薩羅波斯王五者素摩六者須羅
吒七者惡生王拔蹉八者拔羅憂填王九者
遏波十者阿婆檀提憂陁羅延王十一者鳩
留十二者般遮羅阿拘嵐王十三者椽難十
四者耶般那十五者劔桴本闕十六此十六大國苞識
万機衆事不惑衆辯捷疾學不煩重暢達妙
義尋究本末演布無量尋之難窮斯出十六
大國之中夫修行人不能施心仰慕妙義者
但當遊行歷十六國威儀禮節自然得成不

加於師無有模則也

若人禱神祀

經歲望其福

彼於四分中

亦未獲其一

若人禱神祀經歲望其福者想外道愚學顛
倒邪見執愚不寤祭祀神祠乃經一歲其中
費耗生民之貨亦不可計以若干種甘饌飲
食焚燒乎火謂爲獲福反更遇禍斯由執愚
不自改更至今死後入乎閻冥不覩大光智
慧之明是故說曰於四分中亦不獲其一也
是故聖人訓之以漸導之以路獲誘愚惑至
安隱處須臾行善勝彼一年也

出曜經親品第二十六

無信懷憎嫉
愚習以爲樂

鬪亂彼此人

智者所屏棄

無信懷憎嫉鬪亂彼此人者夫人在世信心不固亦復不信佛法聖衆真如四諦苦習盡道積財至天猶不可恃怙捨壽之日財不自隨皆由今身不惠施故不造功德畢故不造新猶如有鳥嗉貪肉食山樹有葉其像肉色晝夜伺捕延頸仰望在樹像肉墮即爲葉迷惑所纏不自覺寤如是不息喪命於彼所以然者皆由貪心不自改更故此間聞語傳至於彼設從彼聞復傳於此鬪亂彼此使不成就意中興嫉轉生塵垢是故說曰無信懷憎

嫉鬪亂彼此人也智者所屏棄者智人知禮
節避嫌遠疑不處國亂之中彈指之頃不與
從事況當至竟與共遊乎所謂智者明古知
今博通衆事防慮未然所行不左心口相應
言無有失分別深義意不倒錯從一句義演
布無數愚者所惑是故說曰智者所屏棄也
愚習以爲樂者設復有人善心勸諫誘進童
蒙訓之以道使見道門不從其教反更疑惑
以地獄爲堂室不慮後世殃禍之根教行惡
業不從善教轉復墮落地獄餓鬼畜生之中
是故說曰愚習以爲樂

有信無憎嫉

精進信多聞

智者所敬待

賢聖以爲樂

有信無憎嫉者如復有人篤信佛法聖衆至
意信解苦習盡道不懷諛諂心意柔軟承事
敬待諸梵行人晝則勤受夜則經行孜孜汲
汲不失威儀和顏悅色先笑後言不傷人意
是故說曰有信無憎嫉也精進信多聞者人
之修行精進爲上况復廣學採取多聞戒聞
施慧廣布一切安處無爲寧處道場以己所
見演示前人是故信多聞也智者所敬待者
常當親近承受不及誠身不具足者今使具
足定身慧身見身見解脫身不具足者今使
具足是故說曰智者所敬待賢聖以爲樂者

夫人修行追賢逐聖不辭寒苦正使遭遇百千億難能捨身命雖遭斯苦不分其意是故說曰賢聖以爲樂

不親惡知識

不與非法會

親覲善知識

恒與正法會

不親惡知識者彼修行人遭惡知識者日增惡行墮入地獄餓鬼畜生正使行清意潔隨惡滌其素猶若有人愛犬猪羊心不遠離猪犬隨逐亦不相離猪犬所樂糞除爲上廁圜爲浴池共相染汚親惡知識者亦復如是共相追逐終以無善是故說曰不親惡知識也不與非法會者非法人者五無救罪無戒無

聞無慧無施如此之人不可親近其有追逐
以爲伴者墮人惡趣不至善處是故說曰不
與非法會也親近善知識者學有日親出言
柔和心意相應設有之造不傷人意先笑後
言文句相應是故說曰親近善知識恒與正
法會者所謂正法會佛辟支佛聲聞是也更
無衆生出於佛者除佛以更無衆生出於辟
支佛者除佛辟支佛更無衆生出於聲聞者
其有信心向此三者得至究竟不墜三塗厄
難之處是故說曰恒與正法會也

行路念防慮

持戒多聞人

思慮無量境

聞彼善言教

各各知差別

行路念防慮者羣徒在徒出言防慮曠野之
中多諸鬼神若論惡語神即得便論說善者
鬼神營護所至到處不遇惡人亦復不逢劫
盜人者是故說曰行路念防慮持戒多聞人
受佛言教不去心首如佛所說告諸比丘當
修三昧正受定意若行若坐無令違失便爲
諸天鬼神所見營護所以然者皆由承受正
佛言教是故說曰持戒多聞人也思慮無量
境者晝夜思慮坐禪誦經戒聞施慧是故說
曰思慮無量境也聞彼善言教各各知差別
如彼學人聞彼善教意不錯乱文句相應便
成道果須陀洹果斯陀含果阿那含果阿羅

漢果增益善根至無爲道是故說曰聞彼善言教各各知差別

近惡自陷溺 習善致名稱 妙者恒自妙

此由身真正

近惡自陷溺者如復有人親近惡友但有日損不至究竟猶若半月日有闇冥無有大明親近惡友亦復如是日損善根增益惡法是故說曰近惡自陷溺也習善致名稱者勝人所習日有名稱猶如月欲盛滿日有光明遠照無外修善之人亦而如是善名廣著名稱遠布是故說曰習善知名稱也妙者恒自妙所行專正修無上道猶如須陀洹家仰修斯

陀含道斯陀合家仰修阿那含道阿那合家
仰修阿羅漢道阿羅漢家轉自增益諸善功
德是故說曰妙者恒自妙也此由身真正者
當求巧便求諸功德瓔珞其身意中欲得名
稱廣布者欲得諸天世人敬待當自謹慎不
與塵勞懷來道故是故說曰此由身真正也
善者終以善 斯由親近善 智慧為最上
禁戒永寂滅

善者終以善斯由親近善智人求於智以成
其聖道猶如紫磨真金內外清徹造作器皿
無不成就智者亦尔賢聖相習留教在世永
世不朽是故說曰善者終以善斯由親近善

也智慧爲最上禁戒永寂滅者夫人習行先
當求上人之法是故說曰智慧爲最上禁戒
永寂滅者也

如魚湍聚湊

人之貪著取

意著不覺臭

習惡亦如是

如魚湍聚湊人之貪著取者猶如群魚集聚
一處穢汚難近人意貪著不願臭穢愚人執
意謂爲甘美不知久久不便於身臭氣流溢
布見於外習惡之人亦復如是與親近者即
成其惡損滅善根增益惡部是故說曰如魚
湍聚湊人之貪著取意著不覺臭習惡亦如
是也

木檻葵藿葉。衆生往採取。葉動香遠布。習善亦如是。

木檻葵藿葉。衆生往採取者。如有善察之人。往採其香。雖不得根。復獲香葉。香氣芬芳。正使捨彼故處。猶香善致識。從事者亦復如是。成人之德。功福曰積。猶故說曰。木檻葵藿葉。衆生往採取。葉動香遠布。習善亦如是也。

已自不習惡

親近習惡者

爲人所誣笑

惡名日增熾

已自不習惡。親近習惡者。世多有人不行惡事。婬逸盜竊。性不飲酒。不博奕戲樂。然彼衆生或在酤酒家坐。或入婬種村中。或在博奕

家坐爲主人所見謂爲斯人習此非法興猶
豫想此人先自貞潔清淨今日何爲習此非
法惡聲遂顯流聞四遠百千衆生共相告語
誹謗之名從是日滋是故說曰已自不習惡
親近習惡者爲人所誣笑惡名日增熾也

觀習而習之

知近而親近

毒箭在其束

淨者被其汚

勇夫能除汚

去惡不爲伴

觀習而習之知近而親近者世多人未
在道檢意不堅固與惡從事不被教訓見物而
習見惡習惡見善習善以已所見示見於人
身自不正焉能正人猶如毒箭汚染餘者已
身行惡教人習之智者觀察此已終不行其

惡是故說曰觀習而習之知近而親近毒箭
在其束淨者被其汚勇夫能除汚去惡不爲
伴也

是故知果報

智人悉分別

非親慎莫習

習當近於賢

比丘行於道

忍苦盡諸漏

是故知果報智人悉分別者衆生造行果報

不同或豐輕而藥妙或罪重而易療唯有意

者能消滅耳智人所習自審明矣設有憊各

即能悔過猶馬蹶躓加之杖策然後調伏智

人習行亦復如是尋隙所生自誨不及是故

說曰聖人亦果報智者悉分別也非親慎莫

習習當近於賢者所謂非親所行非義口吐

言教終無善響布毒於人以為快樂其有衆
生翫習此者便為長夜流轉生死受惱無量
神識倒錯心意煩熱所謂賢者包識衆事万
機不惑為人師範辯才無礙以已明慧演示
衆生其聞音者斯蒙度脫是故說曰非親慎
莫習習當近於賢也比丘行於道忍苦盡
漏者行人執意衆業備具賢聖八品如來聖
道諸佛出世尊常所修行復以賢聖苦忍之法
盡諸有漏成乎無漏是故說曰比丘行於道

忍苦盡諸漏也

愚者盡形壽
如瓢斟酌食

承事明智人

亦不知真法

愚者處世雖壽百年與智者同俱然意朦朦
不別真法是以聖人以瓢爲喻終日酌物不
知鹹酢喻彼愚者雖遇賢聖意迷心惑不達
正教寄生於世無益於時是故說曰愚者盡
形壽承事明智人亦不知真法如瓢斟酌食也
智者斯頃間

承事賢聖人

一一知真法

如舌知衆味

智人所學意志捷疾聞一知萬豫達未然隨
時之行亦不錯謬悉能分別亦無滯礙猶舌
嘗味甜酢鹹淡悉能知之學人所習究暢本
末別白黑法知病所興知病所滅斯非顛倒
斯是顛倒皆能別了投之聖藥是故說曰智

者斯須間承事賢聖人一一知真法如舌知
衆味也略說其事彼不解慧愚人所習唯有
智者能究其事彼無眼目所謂愚者是也眼
目者賢聖眼目是也唯有智者而有此耳彼
不知真法三耶三佛說所謂不知真法者愚
者是也

智者尋一句
不解一句義

演出百種義

愚者誦千句

智者尋一句演出百種義者智者執意明達
道術禪宴不亂練精神識永無塵垢四辯具
了聞一句之義達百千之章是故說曰智者
尋一句演出百千義也愚者誦千句不解一

句義者愚者意迷從冥至冥不覩大明雖誦
千章不解一義是以智人常當遠之不與從
事是故說曰愚者誦千句不解一句義也

一句義成就

智者所修學

愚者如遠離

真佛之所說

昔有比丘往至佛所前白佛言唯然世尊本
慈垂愍開悟未及願為說法應適人意我聞
法已心意開悟得蒙度脫今時世尊略說其
義告比丘曰非汝則捨比丘白佛我已知矣
佛告比丘我義云何汝以知乎比丘白佛色
非我有我已捨矣佛言善哉如汝所說是故
說曰一句義成就智者所修學也愚者好遠

離真佛之所說聖人處世教誡衆生平等大道愚者意迷神識雖革或見如來而掩目者或聞說法而塞耳者或見如來行跡輪相在地而躡壞者斯等之類罪垢深固難可改更過去恒沙諸佛出世尊終訖說法於無餘境然衆生類執愚積久甘露滋降不覩不聞捨形受形輪轉生死無有出期斯由愚惑無明所纏故也

怨憎有智勝 不隨親友義 愚者訓非道
漸趣地獄徑

怨憎有智勝者怨憎之人自知隙深意性明達防慮未然恒自思惟設我今日行非法者

便自陷溺不毀彼人也知有怨讎衆多思欲
報怨力所不至知當如何不如行慈乃可得
勝是故說曰怨憎有智勝也不隨親友義者
親友之人心意疑倒意之所好教授前人與
共同歡惡則同惡好則同好後受報對入地
獄中是故說曰不隨親友義愚者訓非道漸
趣地獄徑

愚者自稱愚 當知善黠慧 愚人自稱智
是謂愚中甚

愚者自稱愚當知善黠慧者愚自思惟悔本
不及我本所行實爲非法種諸罪根開地獄
門塞泥洹路晝夜懇責我今處世衆結自纏

塵垢汚染捨身受身輪轉生死不離三有便
自悔責追師逐侶漸漸得至無爲之處是故
說曰愚者自稱愚當知善黠慧也愚人自稱
智是謂愚中甚者愚人恒自歎譽我爲
尊貴餘者不如不達今世後世殃豐之罪我
所知見世之希有自揚其名抑彼之德不知
生死之難修凡夫行是故說曰愚人自稱智
是謂愚中甚

若復歎譽愚

毀些智者身

毀智猶有勝

歎愚不爲上

若復歎譽愚者愚者所習見物歎譽不別尊
卑善惡之行所可歎者反更毀些是故說曰

若復歎譽愚也毀些智者身者雖被誹謗不以憂感自知果報緣對所至是故說曰毀些智者身猶有勝也歎愚不爲上者衆生處世羣愚黨或聞彼稱名歡喜踊躍不能自勝不知久後於身不便是故說曰歎愚不爲上也莫見愚聞聲亦莫與愚居與愚同居難

猶如怨同處

昔佛在羅閱祇將侍者一人名曰阿難在路遊行亦時出尊遙見調達逐路前進佛告阿難我等可共就餘路行何爲與此愚人相見亦時阿難前白佛言云何出尊如來今日畏此調達乎何爲欲避就於餘路佛告阿難我

自憶念本所造福自致無上等正覺亦復不
見魔若天外道異學沙門梵志能使如來有
恐怖者此事不然吾昔在樹王下衆結未盡
弊魔波旬將十八億衆人身獸頭犍猴師子
虎兇毒蛇惡鬼形貌擔山吐火把持刀劒戈
牟鎧鉀揚聲哮吼填塞虛空時來恐我猶尚
不能動我一毛況今我身成等正覺三界獨
尊豈當畏於愚調達耶此事不然今時世尊
便說此偈

莫見愚聞聲

亦莫與愚居

與愚同居

猶如怨同處

當選擇共居

如與親親會

夫人處世當與點慧之人共居出則和顏入

則同歡共相敬待如父如兄如身無異猶如親親心意欵至如此相敬皆至無為是故說曰當選擇共居如親親會也

是故事多聞 并及持戒者 如是人中上猶月在衆星

是故事多聞并及持戒者多有衆生解世非常明鑒三有知今世後世之報自知衆德具足恒親近賢人戒成就者定成就慧成就解脫成就解脫見慧成就就是故說事多聞并及持戒者也如是人中上猶月在衆星中者五分法身未具令使具足在大衆中獨尊隻步無有疇匹猶如明月在衆星中光明遠照無

有及者是故說曰如是人中上猶月在眾星也

出曜經卷第十五

殿

糶他第筮苦怙挺正作荷胡可祀似音疾待登

葩伯麻躡尼輒豁呼活抓巧之螢亦火惠肩

揣食音正團搏祚才故茹而庶鏃音葉跨音苦化祚

汝審烏朗荅反萍沙瓶上音跋蹉下上蒲八反渴割

反拘嵐上音俱下椽直緣劔桴下音又苞

必交捷才葉模莫胡祠音屏棄上音餅論諂

上正胡困反去反器血下名湍反土官湊

七奏木音密葵藿上具惟反苾芬上頻誣

笑無上音日滋下音豐許近蹶躓二字音隙反立

逆

瓢斟

下上音

苗反

鹹酢

二音咸字

醋抑

音憶

虎兇

下

詞

戈矛

上古和反

浴

鎡鉀

上口下

音

哮吼

上

許

下呼

款

苦管

木直

庚

改反

甲

音

交

反



